

Ugovor
o nabavci opreme za video nadzor

Zaključen dana 12.05.2017. godine u Sarajevu između:

1. **Javna Ustanova Terapijska zajednica – Kampus Kantona Sarajevo** sa sjedištem u Sarajevu, Iznad sela Kešelji bb, koju zastupa direktor Kenan Kestendžić / u daljem tekstu: **Naručilac** /
i
2. **TEP-LIGHT d.o.o.** sa sjedištem u Tuzli, ulica Koste Racina br.1, koju zastupa direktor Ibro Babović (u daljem tekstu Ugovora: **Dobavljač**)

Član 1.

Predmet ovoga ugovora je nabavka opreme za video nadzor, a za potrebe Naručioca na osnovu specifikacije robe i količine po predračunu broj: PRE-003-38/2017 od dana 10.05.2017. godine koji predstavlja sastavni dio ovog ugovora.

Član 2.

Ukupna vrijednost ovog ugovora iznosi **2.640,00 KM** sa uračunatim PDV-om (slovima: dvijehiljadešetočetdeset KM).

Član 3.

Naručilac se obavezuje da će izvršiti isplatu ukupnog iznosa, iz člana 2. ovog Ugovora u roku od maksimalno 15 dana od dana obostranog potpisivanja ugovora, a na osnovu predračunu: PRE-003-38/2017 od dana 10.05.2017 godine.

Član 4.

Dobavljač garantuje za kvalitet robe iz člana 1. ovog Ugovora, te da će navedene robe isporučiti u roku od maksimalno 7 (sedam) dana po prijemu uplate sredstava od strane Naručioca.

Član 5.

Dobavljač se obavezuje da će ugovorena roba biti u skladu sa specifikacijom iz prihvaćene ponude .

Član 6.

Dobavljač se obavezuje da će ugovorena roba biti u skladu sa proizvođačevom deklaracijom bez nedostatka koji onemogućuju ili umanjuju njenu vrijednost ili dalju upotrebu.

Garantni rok za isporučenu robu je godinu dana (12 mjeseci) i počinje teći od dana isporuke robe.

Član 7.

Naručilac se obavezuje da će robu koja je predmet Ugovora naručiti putem narudžbenice. Naručilac narudžbu potvrđuje narudžbenicom koju dostavlja u originalu poštom; ili elektronskom poštom, putem faksa, a original naknadno poštom.

Član 8.

Prijem robe Naručilac potvrđuje svojim potpisom i pečatom na dostavnom dokumentu. Ukoliko se po preuzimanju robe utvrde nedostaci vezane za količinu, eventualna oštećenja i kvalitet robe Naručilac je dužan odmah izvijestiti Dobavljača a najduže u roku od 7 dana po prijemu robe, osim u slučaju vikenda ili praznika, kada se rok produžava na sljedeći prvi radni dan. Naručilac je dužan na otpremnom dokumentu navesti vrstu nedostatka, potpisati i ovjeriti pečatom.

U slučaju da Naručilac u toku rada primijeti nepravilnosti koje nisu mogle biti uočene vizuelnom kontrolom prilikom prijema robe, dužan je sastaviti zapisnik i o tome obavijestiti Dobavljač.

Član 9.

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se nemogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

Član 10.

Ugovor je sastavljen u 4 / četiri / istovjetna primjerka, od kojih se ugovornim stranam uručuje po 2 / dva / primjerka.


Član 11.

Ovaj ugovor stupa na snagu danom obostanog potpisivanja.

ZA NARUČIOCA
JU Terapijska zajednica –
Kampus Kantona Sarajevo

DIREKTOR
Kenan Kestendžić

Sarajevo, 12.05.2017. god.
BIB: 55-06-07-43/17-4



ZA DOBAVLJAČA
TEP-LIGHT d.o.o

IZ TUZLE

Babović
DIREKTOR
Ibro Babović



Sarajevo, 12.05.2017 god.

Broj:

12-05/13